


**KVZrU – 100-Jahr-Jubiläum, 12. Juni 2009**  
**«Pfannenstiel-Song» und «Dragonerlied»**  
*Text, Melodie und Moderation: Christoph Meier*

*Moderation*

Mir händ es Liedli uufgwärmt, wo bi der Iiweiig vom neue Pfanestiel-Restaurant urufgfürt worden isch. D Strophe sind natürli apasst worde für de hütig Alass und sind nu gschproche – hüt wür mer dem wahrschinli Rap säge – und de Refrain isch so äifach, das en sogar de Vorstand nach ere churze Prob hüt namitag mitsingt. Und was die chönd, chönd ihr sicher ali au, also spötischens ab de 2. Strophe d Händ in Sack und mitsinge! S Alpeland-Trio stützt eus liebenswürdigeriis und hilft, das mer nüd z fescht absuufed mit de Tonhöchi...

**«Pfannenstiel-Song»**



De Pfannestiel

Ref.  $B_7$   $E_5$   $A_5$

Mir isch de Pfannestiel zueglich Start und Ziel, will om

$F_m$   $B$   $E_5$

Pfannestiel bin i di-häi. Mis ganze Lebenspiel spielt om

$A_5$   $F_m$   $B_7$   $E_5$

Pfannestiel, mis ganze Hs-si ueh ghört ihm e-läi, mis ganze

$G_m$   $B_7$   $E_5$

Hs-si-ueh ghört ihm e-läi!

Strophen gesprochen

Ref:

Mir isch de Pfanestiel  
zueglich Start und Ziel  
will am Pfanestiel  
bin i dihäi,  
mis ganze Läbes-Spiel  
spillt am Pfanestiel  
: mis ganze Häiweh ghört ihm eläi:

1. De Pfani isch es Paradies:  
Da'sch jede uf si Art und Wiis,  
sig's en Fäisse, sig's en Stängel  
en Schnuckiputzer, ja en Ängel!  
Es isch we uf me andre Stern:  
ali, ali händ sich gern!  
Nimm nur emal de tolli Hund  
namens Peter Grollimund;  
dē isch bis tüüf id Chnoche trimmt  
das ales, was er säit, gnau stimmt!

Oder nimm de Alex Jenny:  
"Bi dem junge Ma, da penni,  
dē hāt Polschter fein und weich,  
au s Fränklipolschter isch kän Säich!",  
säit d'Anita ohni Grimm  
und schänkt dem stolze Ma de Tim  
d'Elena Chiara obedri  
"Jetzt sött er aber zfride sii!  
und ich riit uus in Suneschii!"

Oder nimm de Wälti Ueli  
er hāt käi Schöf und au käi Chueli  
und isch im ganze Land bekannt  
für unverbildete Verstand.  
Und er hāt Räbe – das heisst: gha!  
will jetz stönd vili Hüsli da..  
doch söll's eus nüd zum Schade sii  
s'git nūme so vill Chopfweh-Wii!

Ref.

2) Um jede Sieg wird kämpft we gschpune  
doch mag en jede jedem ggune  
und seigs nur en Patrouille-Ritt  
da macht mer nüd nu äifach mit:  
en Sieg mues here, findt Christine!  
De Thomi smslet mit de Chline  
d Juniore sind verdächtig wiiblich  
sin Job: die fördere! Au liiblich!  
Drum wott trotz villne eigne Chind  
s Hüraate partout nüd in Grind  
si piessed zäme, chasch's verchürze:  
Wer cha so schön vom Rössli stürze?  
De Thomi hebt sich s'iitruckt Chöpfli  
und schluckt vergnüegt paar Notfalltröpfli

Oder nimm de Ruedi Isler  
dë isch au meh als nur en Bisler  
Am früene Morge ohni Chleider  
sind paar samt Ross go schwümme – leider  
bim Zruggcho sind all Chleider furt  
de Ruedi riited häi im Spurt  
de Rütihof lacht sich kaputt  
de Dressman Ruedi füdliplutt  
mit rotem Grind durs lachend Pack  
hockt er uf sim schwere Sack!  
E jungi Muus stöhnt: "Ach das chani  
Hald nur erläbe da am Pfani!"

Ref.

3) Nimm Conny Lipp, Gervasi, Müller  
wie si au hässt, si isch en Knüller  
"Willi de Willi?" frögt si bang,  
"Hebt's ächt dasmal fescht und lang?"  
"Bin als Frä Monti ich na frei?  
De Kärli schafft bir Polizei?"  
Doch er isch guet, suuft nüd z vill Pier  
macht ohni Sattel Riit-Turnier  
hilft im Hushalt, luegt de Pflanze  
häd immerhin bis hüt kän Ranze  
au i de Zucht isch er kän Doofe  
und macht mir wunderschöni Goofe,  
er hilft im Kampf gäge di Alte  
ich glaub, ich mues en nachli phalte!

Ref.

4) Am Pfani sind, we gsäit, all lieb  
da gëb e kän em andre Hieb  
und isch mer mal nüd total einig,  
händ zwäi e Bitz en andri Meinig  
zum Bischpiel öb de Pfani-Platz  
so wen er jetz isch, sig für d'Chatz  
oder öb, im Gägetail,  
e stäili Wies seig megagail –  
dänn wird chli gflüecheled und gschumpfe  
mer suecht nach Kartonschwert, nach stumpfe  
und schlat sich schwungvoll äis uf d'Rüebe.

Doch d'Harmonie cha das nüd trüebe,  
bad hebt sich wieder alls am Händli  
und schlüüft is gmäinsam gliche Gwändli,  
me sitzt uf de geliebte Tier  
und staat für irgendäin Spalier,  
me suuft äis zäme, git sich d Hand  
da am Pfani, uf em Land.

Ref.

### *Moderation*

Und wämer grad so schön am Singe sind, chönte mer jetz na s  
Dragonerlied probiere. Wër s nüd chan, mues in es Straflagerwuchenänd  
mit eus alte Kavallerische. Mer zälte uf em Schache und ich übernahm d  
Juniorinne!

Es isch nämli en Täxt wo rächt markanti und i euser Gsellschaft nüd  
üblich Uussage enthaltend. Da wird doch ganz klar zugë, das d Riter gern  
es Mäitli und es Glesli Wii händ. Und so wenig wes es ganzes Läbe lang bi  
eim Glesli blibt, blibts doch au nüd bi äim Mäiteli, oder? Dänn chunts aber  
na ticker: Lieber als alles ander hät de Dragoner sis Ross, es gäbi nüt  
Schöners! Ich wäiss nüd, wele Rösseler mit eme emanziperte Ehe-Wiib  
sich das hüt na gtrout luut z säge – aber ebe, mer singets ja nume. Au  
das mit de hilfriche Understützig vom Sepp Silberberger und sine Mane!

### «Dragonerlied»

Was reitet munter über Feld, im frischen frohen Tab  
Was leuchten da für Patten gelb, hell in den jungen Tag  
: Dragoner stolz zu Pferde sitzt  
hell in der Sonn der Säbel blitzt  
es schnaubt das Pferd voll Lebenslust  
und stolz hebt sich des Reiters Brust.:

Ein Mädchen und ein Gläschen Wein, das liebt der Reiter sehr,  
doch über alles ganz allein, ganz allein, liebt er sein treues Pferd.  
: Ja was gibt es denn noch Schönres bloss  
als einen treuen Eidgenoss  
des Reiters bester Kamerad  
ihm treu bis an sein kühles Grab.:

Schwadron bereit bei Tag und Nacht, zu reiten kühn voran  
Dragoner stehen auf der Wacht, da kommt kein Feind heran.  
: Hart schlägt die Faust im Kampfe zu  
und lässt dem Gegner keine Ruh  
es kämpft der Reiter und sein Pferd  
für Freiheit, Vaterland und Ehr:

Drum reite weiter über Feld, Dragoner stolz und kühn  
Mit deinem Pferd voll Temperament, solange die Rosen blühn  
Und kommt ihr's beide nicht mehr mit  
am langen Züge und im Schritt  
den letzten Weg auf dieser Erd  
gehst du mit deinem treuen Pferd